

T⁵⁰ 53~~66~~/39346(3)

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

JUN 28 1932

卷之二

明廷賢能人等伯甘餘訂

自庚午即往交

一、所、來、探、取、神、效、也、焉、亦、後、天、日、宜、臨、而、回、旋、

正、之、以、至、融、統、之、望、人、神、奇、度、矣、其、特、傳、臣、等、

願、以、次、次、之、商、大、明、人、之、所、以、以、繼、繼、

之、所、以、以、繼、繼、

宗忠簡公文集卷之二

明進賢熊人霖伯甘詮訂



表

賀康王卽位表

二聖蒙塵、乾坤改色、萬邦俟后、天日宜臨、亟回謙
避之誠、至慰顛昂之望、人神胥慶、夷夏聳傳、臣中
賀竊以大宋之應天順人、太祖之創業垂統、凡奕
世盈成之嗣、皆挺生睿智之姿、其所以繼繼繩繩、

莫匪乎兢兢業業浸久太平之習稍忘禦侮之圖
顧大臣熟此燕安致黜虜抵滋猖獗信和盟之妄
議墮邀劫之姦謀人咸哀痛而顙天士欲奮張而
盡敵然萬方之是賴須一人之作猷果下恤於蒸
黎允上符於穹昊恭惟皇帝陛下稟虞舜之大孝
體周文之小心既不得已而有臨宜大有爲而無
倦如陽方復萬物自春似日初升九幽洞炤嘉靖
中興之事業戡除外侮之兇殘俾孚於休以永至

俳偶中出
剗切語

治臣繭然朽質偶此熙辰屬總師徒進臻可朔慶
雲龍之會阻陪鳴玉之班依日月之炎第切傾葵
之望臣爽任

聞車駕還闕賀表

建炎元年十月通前後
表疏係第九次奏請

臣今月六日承遞報車駕將還闕者恭聞明命肅
詔回鑾歡騰率土之謠和浹中天之氣里閭喜悅
如嬰孺之將見慈親道路光輝若翳霾而忽瞻白
日人情至此天意可知中謝竊以列聖格言先正

垂裕天難謀而聰明自我人至衆而好惡匪殊但
觀自我之是非可驗匪殊之嚮背是知人所欲者
自然天亦從之。所以君子不務小同。自然天下能
成大順。恭惟皇帝陛下以道觀政以德行仁密韜
神武之機獨幹乾剛之斷整齊萬乘來歸九重宇
宙澄鮮預想屢豐之慶廟堂肅穆式降宏濟之休
昊穹降福以穰穰寰海來崇而濟濟六軍有雷動
雲行之勢四夷蒙風驅電掃之威赫奕重允崇高

再造列辟駿奔而忭舞寰區竭蹶以欽承臣無任
云云

聞車駕議還闕賀表

建炎元年十月通前後表疏係第十次奏請

恭膺明命肅詔回鑾下蘇後后之情仰對在天之
意蔥蔥佳氣增允二百季之休勉勉遠猷駿惠大
一統之盛佇觀不應聿享咸寧中謝竊以太祖肇
基奕世嗣服並據本根之地宏施寔德之風宅四
表而率服吾君奄九有而來崇真主曩緣辰告暫

忽似偈語

聽時巡。知人久戀於睿慈。聚議獨形於英斷。欲繼志而述事。遂幹乾而轉坤。時方奉於詔書。顧忽聞於雷震。是天喜悅。為人音聲。想衆懽呼。應時舜蹈。河伯安流而迎駕。兩師洒道以清塵。兒童爭提攜。於壺漿。父老願平治於道路。里閭皞皞。田野熙熙。收兩河山。秦之心。鎮遠徼夷人之聽。然後御端門。而肆赦滌舊染。以維新。欵宗廟而告歸。儼威容。而如在。憂勤祖述。恭儉緝熙。大成有截之功。永以無疆。

疆惟恤。臣喪任云云

乞回鑾表

建炎元年九月通前後表疏係第三次奏請

臣聞君陳之尹東郊。深勅謀猷之告后。宋璟之守京兆。蚤明得失而進言。皆所以啓沃君心。箴規政闕。矧荷聖神之知眷。有懷宗社之安危。敢忘斧鉞之誅。仰竇晁旒之聽。中謝竊以天子居九重之奧。突非務蒙塵京師。為諸夏之本根。當思奠枕。倘值艱虞之會。未詳利害之機。或輕萬乘以遠巡。致駭

四方之羣聽則本根斯弱。華夏奚安。遠稽唐室之
浸微。寔乃商鑒之可擬。越自運啓炎宋。卜都大梁。
宅中而包三萬里之幅。負創業以貽二百年之基。
緒重熙累洽。端拱垂衣。非緣三歲之親祠。曷見六
龍之遠御。曩值澶淵之寇。或陳楚蜀之巡。賴有直
臣卒排異議。星奔一鍤。膽落四夷。豈圖姦蠹之擅
朝。繼被羯胡之猾夏。二聖旣以北狩。中都幾至內
訐。所幸人喪離心。市不易肆。日俟真人之繼統。心

傾我后之來蘇。果致宗廟降靈。上穹悔禍。皇帝陞
下天縱上聖。運叶中興。載續璇圖。增光火德。親屈
鑾輿。以冒犯霜露。躬整師旅。以殄滅犬羊。然行在
久留於別都。清蹕未回於魏闕。逆胡尚熾。羣盜繼
興。比聞遠近之驚傳。似有東南之巡幸。此誠王室
安危之所繫。天下治亂之所關。仰祈聖慮之深詳。
宜戒屬車之輕動。且以中國之倚恃。寔爲兩河之
盛疆。前自虜騎長驅。列城畏遁。獨懷忠憤。糾進義

何減婁敬
輓輅語

懇到

兵力抗賊鋒。率多俘馘。然久闕王師之助。援已涸。民庶之睽疑。近者雖時遣將徂征。渡河浚入。尙闕。膚公之奏。先傳南幸之音。慮增四海之疑心。謂置。兩河於度外。因成解體。未諭聖懷。倘胡人乘之。而。縱橫則中國將何以制禦。臣叨膺委寄。代匱留司。茲緣密託於雲天。偶遂救寧於畿甸。遽報翠華之。移幸。深虞中外之難安。願罄孤忠。冀回淵聽。昔奉。春委輅。建策猶止洛陽之都。張禹驛馬抗章。尚返。

五陵之駕。矧丁聖世。曷愧前修。伏願陛下秉虞舜。察言之明。體成湯從諫之聖。輟巡南服。回駕汴都。以安東北兵民之情。以慰溥率雲霓之望。則人神。悅豫。夷夏謐寧。邊陲指日以肅清。盜賊不令而衰。息。咸資睿斷。用杜危機。瀝悃扣聞。罔避龍鱗之觸。傾都拭目。佇迎天仗之還。願俯徇於愚誠。誓益堅。於忠報。

乞回鑾表

建炎二年正月通前後
表疏係第十三次奏請

臣言今月二十四日準范世延等齋降詔命車駕將欲還闕者比遣屬僚仰輸誠款薦瀆蓋高之聽益懷履薄之憂睿眷矜憐特賜回鑾之詔愚忠戀慕愈增後后之誠中謝竊以萬乘來歸六龍扈從兩伯前驅而灑道河神迎駕以安流不煩夾道之壺漿自有隨師之甘露人情皞皞如聽南風天意昭昭乃回西顧再幹乾坤之造重增宇宙之光赫有宋之中興奄多方而大定想瞻原廟應加肅穆

而整

之儀笑御端朝愈見鬱蔥之氣雍容對越駿惠緝熙宏收率土之歡誕作普天之宥下所欲者上必從之恭惟皇帝陛下踐祚應天時巡淮甸備歷艱難之事盡畧勤儉之風謂京師為諸夏本根而元后作斯民父母念本根不宜搖動謂父母自合依歸茲俄奉於詔音眾但知於抃舞願陛下繼志述事整頓萬機願陛下命將出師邀迎二聖平蕩戎夷之窟保全疆場之封坐視穆清時躋仁壽臣云

云

乞回鑿表

建炎二年三月通前後表疏係第十八次奏請

臣言屢奏囊封。疊干宸衷。聖主未頒於明命。愚臣敢避於嚴誅。謹據悃幅之誠。再瀆高明之聽。願從人欲。以格天休。中謝竊以京師是諸夏本根。元后作斯民父母。本根如已。深固則枝葉自爾扶疎。父母若未安寧。則子孫無緣泰定。茲實簡編之成理。蓋非里巷之浮言。始陛下踐祚於應天。萬方皆欣

格言

大義凜凜
發揮無所
顧忌

其有主。近陛下駐蹕於淮甸。百姓因此而致疑。何前日之郡縣靖共。而近時之盜賊荒擾。繇勤王者弗恤。與救駕者靡憐。贊主上遠父與兄。乃巡南服。助姦臣贖壻與子。欲棄中原。百為祗肆於誕謾。一事罔繇於誠實。迹狀如此。情意可知。伏望陛下斷自淵衷。早回法駕。據本根而致治。體父母以視民。俾人自勉。勉以來王。天亦穰穰而降福。恩霈端門之赦。歡收寰宇之心。俗既遠罪。以歸農。虜亦望風

而道跡王室自茲再造大宋繇是中興黎民時雍
萬世永賴果臣有飾非之語則臣甘誤國之誅狂
妄奏陳憤懣流涕臣云云

乞回鑾表

建炎二年四月通前後表疏係第十九次奏請

臣某言易謂省方書言輯瑞是天子或時巡於下
土邦人可瞻仰於至尊然古今之事勢有殊宜觀
會通而制治况上下之人情至切思聞詔命以回
鑾故老臣再瀝於血誠願聖主早形於睿斷意狂

罪大語出涕零

中謝

臣伏聞先有格言事必師古

藝祖應天而受成命太宗繼志以集大勲列聖所
以繼繼繩繩諸福所以穰穰簡簡實在京師本根
之地以為寰宇朝覲之天端拱而坐九重穆清而
朝萬國陛下纘承寶緒紹述丕圖當奄九有而有
為體三無而無外奈有姦臣之臆說與憑賊虜之
誕辭忘周宣之中興循晉惠之往轍天下之來勤
王者使公義夫之黥救駕者弗知兩河保山寨之

淋漓盡致
卷舒自如
不覺其俳

忠民四方作草竊之賊子皆緣陛下久駐蹕於淮
甸咸思慕於翠華懷抑鬱而籲天罔聞致猖狂而
遷善無路果還汝駕大肆鴻恩人當凜雪以歸農
虜亦遁逃而屏跡適追一統之大丕昭萬世之休
茲甚易知而易行勿謂難測而難識但去阿諛柔
佞之語而宏剛健中正之風必天日之炤臨應祖
宗之保佑一人有慶庶績其凝臣無任

遺表

建炎二年七月

心期許國每輸扶厦之忠死不忘君猶積戀軒之
意。竟。鳧。將。離。於。形。體。精。忱。願。達。於。冕。旒。中計伏念
猥以樸忠受知淵聖擢自困躓羈窮之際付以寇
虜往來之衝適遇陛下出總元戎察臣粗著榮效
坐籌密計俾臣得預屬僚逮夫踐祚之初首錄孤
危之跡寇攘未泯暫爲淮甸之巡宗廟斯存委守
留司之鑰力小任重志大心勞誓殄羯胡再安王
室但知懷主甘委命於鴻毛無復偷生期暴尸於

鞠躬盡瘁
與日月爭

馬革夙宵以繼寢食靡寧斯民獲奠枕之安胡馬
 無飲河之意事為紛至黽勉惟多回視頽齡已迫
 桑榆之晚景益堅素節每期松栢之後彫豈謂餘
 生忽先朝露尚扶病以治事敢慶已以顧私陰陽
 之寇洊深藥石之功莫效少延殘喘庶畢願言昨
 有招安到楊進等約其衆多無慮百萬昔嘗為寇
 頗聚衆以震師今已革心欲為國而戡難足踵道
 路雲集都城已消吉而戒塗擬成功於指日子戈

此血性
 可泣鬼神

未舉舟壑忽移神爽飛揚長抱九泉之恨功名卑
 劣尚貽千古之羞仰憑睿眷之深必無生死之異
 囑臣之子記臣之言力請回鑾亟還京闕上念社
 稷之重下慰黎民之心命將出師大震雷霆之怒
 救焚拯溺出民水火之中夙荷君恩敢忘尸諫顯
 昂法座無絲再望於清光枯朽微生從此永辭於
 宸扆臣無任

謝親札令縱遣虜使表

建炎元年八月
 知開封府日

懷柔遠人親灑宸翰既哀矜於偽使復肆宥於愚
臣仰承曠蕩之湛恩但增感涕恭俟煇煌之法駕
早賜回鑾中謝伏念臣垂釣渭濱耦耕莘野居厲
舉毛之志誓端造膝之誠斷斷無他皇皇有素偶
承宣於溢水辱顧盼於潛龍依日角之炤臨見天
顏之咫尺恪摠情悃瀝竭論思願戡外侮之艱難
力助中興之事業曩聞虜使祗齋偽楚之書因憤
戎心失奉本朝之意是藉口以覘虛實欲合衆以

請收虜使
所以伸中
國之體遵
詔縱遣所
以尊主上
之權事可
兩行者宗
公何曾任
意

苟侵陵實不憤於誕謾遂乞收於囹圄庶全國體
以爍姦謀豈敢涉於自專乃上貽於北顧恐懼承
旨倉惶改圖文列雲漢之昭回精神滉漾筆現奎
躔之赫奕耳目疏通旋收錯愕之覓仰認撫綏之
意更聽警蹕永保生成

除京城畱守兼開封尹謝賜對衣金帶表建炎

元年八月

猥叨眷獎併冒寵光分內府之衣而副之兼金出

上廐之馬。而飾以華較。曳鏤知感。負乘增羞。伏念
臣濫中儒科。汎駕仕路。偶緣遭遇。存被使令。縈帶
為城。本無善策。下車搏虎。徒有壯心。雖殫犬馬之
勞。曾乏絲毫之效。敢圖異數。誤逮孤忠。不稱身章。
尤慙蕃錫。比蓋伏遇皇帝陛下。法天之健。躬攬萬
機。合日之明。光被九有。察臣腹心。忠義曲賜顧憐。
知臣蹤跡。羈單每加覆露。故令衰朽。亦玷恩榮。臣
謹當克勵。篤庸勉效。綿薄雖通。桑榆之景。敢渝金

石之心。知無不為。深戒容身之計。老當益壯。永懷
報主之忠。臣無任

謝降詔獎諭表

建炎元年八月

守麟符之兩月。方懼罔功。下漢札於九天。遽叨睿
獎。恩言曲逮。俯已增榮。中謝竊惟京邑。衆大之居。
實為諸夏。本根之地。封畿廣遠。民物浩穰。豪彊萃
聚。而彈壓當先。姦伏紛拏。而發摘匪易。比在熙平
之盛。尚稱綏撫之難。况當兵火被毒之餘。繼以府

宗忠簡集
治曠官之後。閭閻彫弊。綱紀隳頽。凶殘罔畏。於明
刑掠奪。公行於白晝。仰勤憂顧。誤被東求。而臣學
昧知方。器非任重。徒抱孤忠。而許國妄期。薄效以
報君。初抵都畿。首蠲宿蠹。鉏耨姦暴。剪蕩寇攘。良
民獲奠枕之安。昏夜罕鳴柝之警。悉奉行於條詔。
偶坐格於謚。寧陛下憐臣帥府叅籌。叨塵簪履之
舊念。臣神州領尹。粗宣犬馬之勞。特陞秘殿之階。
名仍畀留司之重。寄深虞尸素。仰玷倚毘。茲蓋伏

條理井井

遇皇帝陛下。美如神之智。以臨炤百官。體逮下之
仁。以駕馭羣俊。彰德非專於爵賞。念功思奉於綸
言。冀風勸於臣鄰。俾日新於事業。致茲庸陋。獲預
寵褒。臣敢不祗服訓誥。恪司管鑰。金城雉堞。嚴守
禦。以增崇甸服。田疇咸勞。來而安緝。經費務先於
實。粟練兵。敢怠於防秋。預畫事宜。悉符告戒。刺宸
章於琬琰。式昭天府之榮觀。傳寶訓於雲來。永俟
老臣之知遇。更殫九疇。少補萬分。臣無任

謝中使傳宣撫諭表

建炎元年十月

星使自天玉音在耳恭被聖神之賜頓增畿甸之
允臣固衰微倏望天顏於咫尺人感慶抃願隨獸
舞以駿奔感戴而思涕淚以血中謝恭惟皇帝陛
下聰明睿智恭儉憂勤稟天縱之多能亶日新之
盛德整淵衷之孝悌思沙漠之父兄天鑒昭回必
助恭行之罰人心激勵盡懷敵愾之誠因矜浩穰
之都遂遣皇華之命里閭見九天之輶從競夾道

以焚香父老聞萬歲之歡呼但吞聲而飲泣伏望
陛下誕宣溫詔早勅回鑾庶寬大早之望雲式慰
調饑之念食卑誠懇切輿論傾依

謝收捕開封府稱御前收買珠玉仍出榜告

諭都人表

建炎元年十月

其王化而宅域中端臨萬國躬儉寶以先天下懋
迪羣黎宸翰誕頒民風丕變朝野識德意之所嚮
邦家知泰階之可期伏讀訓辭第增感涕中謝恭

開雅整練

以治自近始化繇躬行儀倡肇黼展之嚴視聽徹
要荒之表好惡所示治忽可稽弗剪茅茨堯俗於
變躬履革烏漢治勃興深惟治化之端實以樸儉
爲本恭惟皇帝陛下秉德紹統建極御圖誠意正
心以齊家國復樸敦本以律士民念國步之猶艱
慨民俗之浸靡克勤克儉去泰去奢屏服用玩好
之奇聚左右圖書之富申嚴厲禁豈特却璀璨之
珍昭示儉純蓋將揚絲綸之化農知重穀而力穡

士知守義以遵繩革蟬蛻之僭奢成行葦之忠厚
一人表正四海風傾臣猥以非才誤膺繁使惟知
樸直以報國不敢偷薄以示民仰聖訓之丁寧激
孤忠而抃躍臣敢不播揚純儉之化恪遵禁令之
嚴一道德以同風冀追太古修政事而攘狄行見
丕平

謝除資政殿學士進階朝奉大夫表
建炎二年二月
秘殿叅華文階序進繇被湛恩之厚靡容瀝懇之

辭荷寵若驚。撫躬增愧。中謝竊以真皇御宇之際。景德紀年之時。將優待於近臣。乃肇修於新職。學士有資政之號。朝廷爲盛事之傳。舉茲以旃。名稱至重。若樞廷之均逸。始復新除。非丞轄之辭榮。未嘗輕授。豈意衰遲之跡。乃超躐之恩。伏念臣天賦樸忠。人推愚直。方帥幕宣威之日。嘗贊運籌。暨帝暉繼炤之辰。誤蒙序爵。與言遭遇。良劇兢凌。俄分青社之符。旋拜夷門之命。就司馬鑰。俾衛上都。

初無槃木之先容。實出冕旒之獨斷。忠懷子翼。不忘河內之孤功。謝鄴侯。豫謹關中之守。深慚么麼。曷副使令。敢圖繼被。於褒章。濫賜比蹤。於前哲。顧惟宿姦之讒。簡無以中傷。乃如大佞之笑。刀莫能潛害。爰念保全之德。每懷補報之恩。敢望崇資。游加朽質。循墻欲避。渙汗難回。茲蓋伏遇皇帝陛下。堯舜性仁。湯文義洽。慶賞刑威之馭衆。尤先崇德。而報功。聰明睿智以臨人。固不泄邇而忘遠。空收

簪履用慰桑榆光華顯設之榮恐懼褒優之過臣
謹當堅持晚節愈激懦衷讀回鑾之詔書但形鼓
舞感懋官之德意誓竭靡捐

謝賜對衣鞍馬表

建炎二年二月

服思不稱始貴身章馬志無疆方為駿骨况帶被
兼金之飾而鞍如華較之榮仰荷寵私倍增慚惕
中謝竊念臣蓑衣冷族鴛廐下材本操耒耜以耕
雲偶備驅馳而獵道恭承褒字已驚在笥之羞景

清勁之韵
風竹霜梧

仰天飛尤激戀軒之望既免回旋而見時敢忘夙
夜以加鞭茲蓋伏遇皇帝陛下天道覆臨萬邦衣
被乾剛運動四海駿奔灼見三有之心迺知九德
之行致臣衰朽亦被恩榮臣敢不曳婁懷慚貞乘
知愧素絲可效誓堅正直之心小駟無能願竭周
旋之力

謝傳宣撫諭并賜茶藥表

建炎二年三月

皇華睿使溫潤訓詞仰膺覆燾之恩曲示眷憐之

意孤忠鯁槩誓戡外侮之殘直道對揚庶贊中興
 之盛此誠激厲但涕交零中謝竊以太祖太宗基
 命定命其肇造本根之際必參稽年世之占卜既
 協於休祥事乃臻於參定所以繼繼繩繩之治無
 非巍巍蕩蕩之資累聖緝熙億年駿惠逮陛下入
 承於丕緒偶大臣密奏於偏言託曰時巡意圖偏
 伯忘宗廟朝廷之重違神明天地之心棄大一統
 之規模毀二百年之基業且天下是陛下之天下

彼姦臣何恤於存亡如京師是陛下之京師想檢
 佞安知夫去就但知親屬歸在江湖寧顧中原變
 為夷狄巨藩然衰憊強爾支持曾無毫髮之功徒
 竊乾坤之造金符剛正同有關文密緘蜀市之珍
 寵錫建溪之異仰叨殊眷願畢餘生但知力竭以
 報一人豈顧狂逸而忤三事伏望陛下奮乾剛之
 獨斷敷離炤以旁觀特出宸衷早回法駕俾四海
 謳誦而來享使萬民竭蹶以嚮方用承滋至之休

永貽無疆之賴臣無任云云

宗忠簡公文集卷之三

明進賢熊人霖伯甘詮訂

記

賢樂堂記

巴別乘治廨之北有地數畝荒穢不治其日久矣。自熙寧命倅以來凡更二十餘政間有好事者足跡及之往往掩鼻蹙額唾之而去其他則未嘗過而問也。宣和六年春朝廷以僕承乏郡貳視事屢

有心人自
是偏于冷
處着眼非
關好事

月日有暇矣。因一訪焉。爲之躊躇四顧。怡然有得。于心者。噫。天下佳處。嘗藏於衆人不識之地。而臭腐化爲神奇。且物有是理。則茲境也。未必不待我。而後顯。又烏知僕之意。不出於造化之所使。耶。於是斬荆棘。鋤蓬茅。易敗壞。泄汗潦。因高而基之。就下而鑿之。首構一堂。獨擅羣勝。四山回環如列屏。嶂爭雄競秀。來人目中。巖花春盛。木葉秋落。於此可以鑒榮謝。岫雲朝出。林翮暮歸。於此可以喻出。

處非特是也。堂之東濬爲方池。植竹以環其峯。強名曰竹溪。臨溪爲小閣。目曰思逸。於是可以想見。但徠之侶。依翠陰。俯清漣。放浪沉飲。高吟大笑。於清聖濁賢之間。脫然遠跡於聲利之場也。堂之西。涸爲曲池。種菀以復其島。強名曰菀溪。跨溪爲小橋。目曰訪隱。于是可以想見。武陵菀源。流水瑩碧。落英泛紅。漁舟之子。訪昔隱人。夜半月明。竟清骨。冷洒然如出風塵之外也。堂居其中。衆美并見。因

榜之曰賢樂。有客登堂而笑曰：賢者之樂固如是乎？僕因莞爾應之曰：然。客固不知也。昔者惡木蔽天，不剪不伐；鳥鳴捷鳴於其上，今則斃李成蹊，松栢如蓋，春鶯鳴，秋鶴唳矣。昔者蔓草據地，不芟不夷，蛇虺蟠伏於其下，今則蘭杜夾徑，芙蓉滿塘，鴛鴦游，嘉魚躍矣。方時序之良，景物之美，揖賓友而進之，游目堂上，縱步堂下，無復敗人意者。賞心油然而生矣。或舉白痛飲，或揮麈劇談，或射或奕，或琴

或嘯，披襟清徑，弄花香渚，終日與魚鳥相樂，恍然無異濠梁之觀，海上之游也。此其所樂人之所同者也。若曰：是地不過數十步，山得無謝崑崙之高乎？水得無謝雲夢之大乎？堂得不爲大廈耽耽者羞乎？不知一拳之石與泰山同體，一勺之水與滄海同性。堂高數仞，棖題數尺，亦古人得志者所不爲，而吾耳目所寄，方寸所寓，自有至大者存。雖在環堵之間，曠兮會無異乎廣莫之野，無何有之鄉。

也。此之所樂。已之所獨者也。人之所同。其樂自外。已之所獨。其樂自內。二境雖不同。要之非賢者則不與知也。客改容謝曰。斯堂之名。真得之矣。余內外俱進矣。願紀之以告予之僇僕。曰。諾。於是乎書。

義烏滿心寺鐘記

宣和甲辰十一月十八癸巳

如來以大悲心。欲令眾生於十二時中。因耳所聞。生利益見。不為欲所沈迷。不為邪所障蔽。斷除惡念。滋種善根。於是建置洪鐘。以時撞擊。俾有識無

識。虛懷聽受。隨所聞聲。夤緣入道。皆如雷霆蟄驚。

凡牙甲昆蟲。悉皆感悟。所以者何。日將且。羣動咸

作。奔趨爭逐。擾擾競前。於是警之。廣令眾生起戒。

懼心。暨至食時。饑火煎迫。噉涎貪噬。腥羶無厭。于

是警之。廣令眾生起齋潔心。日之方中。交易為市。

矜智嚇愚。籠絡利已。于是警之。廣令眾生起方便。

心。昧谷歛昏。陰邪氣盛。一念差誤。為盜為淫。于是

警之。廣令眾生起畏懼心。至夜未央。神識俱晦。夢

想顛倒莫覺莫知。於是警之。廣令衆生起修省心。人之云亡。氣魄隨去。俵俵冥行。莫知所趨。於是警之。廣令衆生起。依歸心如。是等心。悉繇中起。念念勿絕。證無上緣。因知衆生。因鐘以聽其聲。因聲以攷其意。因意以明其心。因心以會其道。如來所寓。思弘濟人。滿心古精刹也。形勢盤礴。據湖山之勝。舊雖有鐘。形度小瑣。發響焦急。無從容韻。寺僧有宗。徧募檀越。弋陽王簿葉天將。捐財唱之。寺衆環

喜和者。皆至於是大體。鈞模采鳧氏法規。天地以爲鑪。翕陰陽以鼓氣。回祿騰焰。飛廉助威。熠燿璀璨。融爍銷液。神施鬼設。一瀉而就。頂蟠蒼虬。螭蛇鈞搦。微以金索。懸置挈之。隱隱闐闐。滿虛空界。應四生六道。濡滯幽冥。聽此法聲。悉皆解脫。茲勝事也。樂爲頌云。

人得是身。不自愛重。貪殘暴忍。長惡弗俊。劫劫輪回。歷盡苦報。如來悲憫。以鐘代言。俾衆生聞。

警覺省悟。隨聲懺悔。滋益善心。予適宰官。代佛
宣說。願咸諦聽。無量無邊。公忠義得于性學。

顏淵季路。嫡派正宗。而時獵釋氏之精。以助
我法。此鐘記分明。從戒懼不聞。雞鳴平旦。中
討出。不第作海潮音也。正德間。寺改爲文廟。
三乘金鏡地。頓作千秋木鐸天。殆此記文心。
實陰啟之耶。鐘猶在明倫堂西序之懸。款識
崑崙古色。炤人向亦無人知。爲宗公手澤者。

余每朔望。登堂鼓鐘。與羣弟子。起恭敬心。隨
聲。滋益。肅然。先覺之言。提其耳也。

重修英惠侯義濟廟記

巴子之國。遠在西南一隅。封爵卑而土地廣。自秦
伐蜀時。師還滅之。以其國爲郡。曰巴郡。西漢因之。
列郡境。爲宕渠等十餘縣。東漢又於宕渠之北。置
漢昌縣。元魏延昌中。遣將平蜀。始以其地爲州。曰
巴州。則今之巴州。實昔巴郡之屬封也。故州有巴

郡太守嚴將軍事劉璋名顏沒千有餘載巴人事之如存歲月追祀而歌舞之若嘗親見其人躬被其惠澤不可忘者凡過其門無老壯賢不肖必以手加頂至于再三如神真在其上以至雨暘之愆疾病之苦率詣祠禱之無或不驗前後郡太守數上其事于朝朝廷嘉之既錫之廟號又封之侯爵其所以旌寵神德至渥也宣和四年冬公被命出守其邦下車之三日謁于侯廟禮甚恭明年春閔

雨秋復潦皆有請于神昭答如響歲則大熟六年秋郡國修常祀公至祠下視其堂廡弊甚因顧其屬曰嚴侯實在祀典且有德于巴人今棟宇傾壞支以他木上漏下濕不庇風雨人不可舍其下神其肯安之乎傳曰誰敢不齋肅恭敬致力於神矧是州年穀屢豐朝廷德澤下流饑者哺勞者息囹圄空虛盜賊不作民安且治矣致力於神適其時也乃擇屬吏之事事而敏者委以完繕且戒之毋

忠義不足
畢竟智勇
不足彼其

子所自
實有餘者
皆機巧之
智血氣之
勇耳

取於民毋勤於衆。繇太守而下，爭出俸錢以助其費。數有差，皆不約而從也。始事之日，群心欣愉，工不俟呼而集，材不俟鳩而足。陶甄致良，剗刷致巧，易腐以堅，代撓以直，增卑而使高，廓隘而使廣，歆者正之，漬者起之，昏汚者飾之，晦朔不再。匠氏告成，公乃率僚佐落而祀之。公親爲祝辭以告之，禮成就次，衆皆曰：「事神若是，謂無負矣。」因謂僕紀其事。僕曰：「然夫志有餘者，常不足於忠；勇有餘者，常

不足於義。僕竊謂嚴侯兼之，方先王之將入蜀也。劉璋旣遣法正結好，發兵協助，逮其來也，親出都城三百里與之會飲。百日，璋已墮先王轂中，曾不少悟。侯獨拊心嘆曰：「所謂獨坐窮山，放虎自衛，非曰智而忠乎？」及張飛擁大兵而西，勢欲吞噬巴蜀。郡縣聞之，不棄城走，則閉門降。惟侯領一州之卒，以死拒敵，力屈被獲，猶數飛而罵之。且曰：「我州有斷頭將軍，無降將軍。飛怒將斬，顏色不變，終不少。」

此等忠義
而史臣不
為立傳操
觚何事

屈非曰勇而義乎。嗚呼侯之赤心、烈火之赫、侯之
勁氣、金石之堅、智足以謀而惟忠是效、勇足以斷
而惟義是為。使之遭盛時、佐明主任之大事、假以
重權、必能奮不顧身、行其所志、而盡其所長、勲烈
之偉、名節之顯、當與古社稷臣比肩矣。惜乎生而
不幸、委質於僭竊之牧、使功名不顯於天下、死而
不幸、史臣不為立傳、本末不見於後世、僕每讀張
飛傳、見侯行事、未嘗不廢卷太息、而為之橫涕也。

南渡時正
多此輩宗
公不忍吐
其名亦太
厚道矣

抑世之士大夫、有以柔聲媚色、期就軟熟、巧為進
取、冒躐華要、或不得已而補外、猶竊名藩、巨鎮、坐
尸寵祿、一旦事出非意、神氣駭奪、莫知為計。甚至
於變服雜庸、匿田舍中、以幸苟生、俾一方生靈、魚
肉賊手、國家果何賴於鼠輩為哉。然則嚴侯之忠
誼、誠可尚也。宜乎血食巴士萬世、而無替。

義烏景德禪院新建藏殿記

夫百億妙門、三藏為總、大哉利生之本、不可得而

思議也。如來出世以大士因緣示悟衆生。繇一道清淨用一音演法。機感不同而所聞亦異。故五時五味半滿權寔圓機。定假之義。播列諸部。星曜霞布。沒世不能誦其文。終身不能發其蘊。於是彌勒大士闡大方便。聚諸經以歸三藏。使流通教典。盡載一輪。塵沙法門。同歸一揆。倘衆生信而揚之。則不須朝講暮習。於彈指頃間。含受法要。心怡神悅。蕩釋諸苦。發探蒙愚。展迪聾瞽。復性命之真。救迷

妄之失。可不謂無窮之利乎。烏傷之北附縣一舍有院曰景德。肇荒於唐山王琳師。始建經藏。寫經律等。僅一百函。師歸寂。缺而不講。越治平二年。院之徒契湜徧募士庶。經滿其數。置函五百。成卷五千。有八星環金晃。墨寶珍嚴。燦然煥赫。顧舊藏不足以容。時竊景慕。至元豐中。居士葉詵崇信佛法。誠謂長者。一旦發念出家。聚材孱工。作轉輪以廣其度。住持沙門契海。又化檀信。益爲經理。其屋十

轉輪肇于
傳大士在
烏傷何可
無此法物

八楹越二年畢乃告成。隆厦廣濶，飾以珠貝，華輪盛麗，負以虬龍。窮極雕繪，間錯文藻。內外一新，遠近信仗。四方之人，皆得轉輸。是猶振風之過，衆竅甘雨之成，百穀然後美，根長固，惡蔓除滅，芬芳嘉實，皆得饒益。設有下愚至賤之人，若見若聞，或瞻或禮，隨其根莖，各有所潤。譬夫饑者入太倉，觀夫穀粟雖未得食，固知可以飽其饑矣。病者之藥肆，觀夫劑料雖未投藥，固知可以療其病矣。以此法

我自說我法

味永施衆生，則饑能充而食難盡。病有止而藥無窮，究其旨歸，何須外求。周旋於方寸，運動於日用。從容中道，左右逢源。動無所牽，止無所累。行無所遮，奚俟輪哉。今觀葉氏所謂藏者，如是如是。至於布琅函，列朱軸，誠為除衆生饑病方便法也。

銘

宗汝賢墓志銘

先大夫四子，嶧、灝、二弟，皆少亡。惟兄與某自幼歷

艱辛某旣忝一命惟兄服勤力穡肯播肯獲以克
幹裕厥家某嘗媿弗獲朝夕相從事意謂投老當
奉几杖於東臯西疇優游以憑化遷及方丐宮祠
浸圖爲休致計不幸以罪斥繼而睦寇竊發橫肆
焚劫衣冠良善尤被害兄逼兇焰遑遽挈妻孥奔
避山林間昏夜迷誤因溺死實宣和辛丑二月二
十四日也是時路尚梗追聞五月始聞訃嗟乎兄
之積行乃罹斯禍耶某失怙恃繫兄是賴聞問痛

弗自勝卽寄書愈稷曰某父存某旣不能相倚以
生今亡又不得撫棺號慟以盡哀所可報友愛者
惟襄奉耳汝舉葬宜俟某躬與執紼庶酬夙志稷
卜地協吉泣血來告某啓緘梗塞且自言曰吾尚
忍銘吾兄耶然義不當辭兄諱沃字汝賢世爲婺
州義烏縣人曾祖惠祖拱皆不仕父舜卿贈朝散
大夫母劉氏贈太宜人兄始娶劉氏先兄卒再娶
時氏享年六十有七兄天姿夷曠撥置邊幅直情

愈疑是禹
字三六疑
是契字

徑行靡所阿徇。事親孝。於飲食起居際時作諧語。慈顏每爲蹶然一笑。平居怡怡無慘沮意。甘疎淡氣不下人。未嘗以圭撮干親。舊亦未嘗以黠墨擾州縣。喜賓客。曾不顧供具有無。朋游中有倚豪富作氣勢。陵轢貧下。或揜其不善而見其善者。兄於廣坐中直以理折之。彼雖暴戾心自媿服。鄉人欲作一不義事。必先畏縮。曰宗汝賢知之。定衆辱我矣。以是俗多敬慕。五子曰愈兩貢於禮部。曰三六

少俊爽。皆先兄卒。曰稷謹愿有志趣。能訖大事。曰臯曰夔皆勉學。稷卜宣和丙午正月乙酉。葬兄於同義鄉新塘原。泣而爲之銘。銘曰。兄任直心不生虛妄。惟是寡求。故氣不喪。諸子說說蔚有趨向。善之所鍾。神自來相。他日錦章賁松阡上。歸女茲丘。慰斯人望。

葉處士墓志銘

公諱桐字彥倫。其先睦州人。五世祖徙居婺之義

簡而盡多
本色語不
役爲諛

烏後宅里人。祖迎父遜。潛德不仕。公天資沈靜。偉特始居貧約。生理日盛。因擇地之廣。口見層巒沃壤。築居其間。治家先勤勞。不妄取諸人。而生日裕。不私蓄諸已。而用必舒。本末緩急。咸得其宜。常自言曰。養身可矣。養其心者可矣。爲今計可矣。爲厥後計可矣。觴詠固可樂。豈若田園之樂深。籬金固可積。豈若詩書之積久。乃依山原。緝園亭。四方賓客過其門者。延之無虛日。一時英才碩德。咸

發胸中之蘊。與其子孫遊講。明爲學之方。皆嚴整無他好。公亦游泳其間。讀古人典要。自得真趣。鄉里皆稱爲處士。紹聖元年四月。以疾終。享年七十有五。娶錢氏。一子曰琳。克孝克倫。不幸先亡。公哭之慟。雖諸孫敬養更侍。甚於平口。終鬱鬱不釋。嘆曰。每期諸子事余。終某天年。今若此。非天喪我乎。未甚。遂亡。一女適駱氏。孫男四。長義。鄉貢進士。次策。筠。太學生。幼筮。三年十月甲申。葬于邑之永安。

鄉方丈瑀余嘗受知於公之季氏熟公言行來請
銘迺弗果辭銘曰

氣偉特兮性溫厚躬儉約兮致豐厚樂田園兮
得所守資詩書兮貽厥後與山岳兮齊其壽石
可壞兮銘不朽

陳公墓志銘

公處麗水人幼喪母隨其父僑寓因與先人遊遂
相結爲義兄弟某省事即尊奉公若叔公撫視某

樸質寫得
父執交誼
出

猶子也後雖爲姻家而眷眷克恭如念天顯未嘗
一日替先人中疫氣病幾死至親無肯過門者惟
公不忍離側凡藥餌必嘗而後進某護先人喪歸
自膠水公迎之路撫棺號慟哀感行人先人諱
日公躬走佛刹薦奠以敘追悼意公與先人自幼
至老自老至死已死且不忘每語及必梗塞泣下
嗚呼公有實德於某曾未一報今乃云亡墓隧之
刻非某其誰宜爲公諱允昌字得全今爲婆之義

烏人三世皆不生曾祖桓祖生父居昱母魏氏公
父某尚及見之麗厚溫粹與人侃侃言必以誠獨
生公公娶雲溪潘氏先公卒公自幼特立嚴正而
和疏通而信惟喜佛思淨覺心求寂滅趣於是屏
居小室冥坐湛然離諸染著凡所酬對取靜爲證
無毫留礙事如老尊宿常梵行者一方鄉人有訟
必質公公爲剖析理道定論曲直又飲之酒以和
之故兇悍狡獪愧服無復敢譁間有窘乏不吝假

貸怠慢者諭以勤浮侈者諭以儉漫浪不謹者諭
以修飭不獨隨宜周濟而必寓之教焉里有喪不
問識與不識常備棺槨以副其求若急難所需無
少難色以是鄉人依歸愛慕若疎若戚若遠若近
咸不言姓名止以公稱之惡少不逞輩不敢造公
門或持縣檄至必唧唧下氣怡聲惟恐公聞知此
非有力脇持之也皆自心悅誠服如是爾公享年
八十八未亡前一月屏去茹葷浸不欲食但飲沈

香水三日百無所苦神識不亂以宣和壬寅十一月十二日若睡而逝茲追學佛積善所致然也公一子一女子昂迪功郎前任邵州新化簿公薨背後哀苦毀瘠太公九十日而卒女適遊士傅璨孫詩懋於學公不欲其太膝下強納粟爲太廟齋郎曾孫敦仁敦義敦禮敦智敦信曾孫女四人卜以宣和癸卯十二月乙酉葬公於永安鄉卞岩原使來乞銘某不敢以廢學辭謹爲之銘銘曰

公坐一室心自內觀了知六塵皆見幻妄故於財色盡欲遠離方寸泊然清淨圓滿公無所任予復何言茲強銘公聊示爾後

尊翁之懷惟某深知之故樂爲之銘數日究心方能成此切不可令人改動一字如不可意請托能者別作仍爲寫一本燒靈前庶少慰亡靈至扣至扣某上聞

陳八評事墓志銘

其先父行已謹且信不泛交遊與公相厚善情好
既篤遂結爲姻家今公之孫暘以書告某曰暘祖
安厝有期願丐銘藏諸幽暘其甥也某公壻也義
不可辭公陳姓系出有媯世爲葵之義烏人曾祖
祖父皆晦迹不仕公諱裕字寬夫天資莊重不妄
嬉笑不輕然諾孝於親母年九十餘公下氣怡聲
左右承順起居飲食必躬省視出入戀慕不啻如
童穉時二兄一弟疎懦不立公俯仰友愛相怡怡

至老不少懈嘗聞禮記云毋不敬公曰嘻果能行
此一句卽不失爲善人君子某幼聞是語暨長觀
公褻身接物循循侃侃其與隣里不問長少必委
蛇致恭毋敢慢有以急難告者隨分周濟見樵牧
子亦推誠遇之使僕妾未嘗形之色聚族數百指
閨門雍肅中外姻戚咸以長者稱娶劉氏享年八
十有六某年某月某日以疾卒于正室垂死神識
冲靜殆平生樂善寡慾之致也男六人曰什和易

樸質不飾
正見真摯

孝友踐履如公曰錫處太學以文行馳名及進士
第朝廷除復州教授二子不幸皆先公卒曰伋曰
備曰成曰鏜咸修謹克家女三人長適劉哲次適
宗嶧幼適某孫男七人長孫宗哲醇厚可喜亦少
亡次宗暘以武舉進士第試吏密之安丘尉方力
爽邁當塗交章薦之曰宗益曰宗阜曰宗高曰鼎
曰昭兩預鄉薦孫女十人曾孫男一十七人曾孫
女五人伋備成鏜卜以政和丙申某月某日葬公

於祖塋之側某自幼與公子錫游且係葭莩之末
知公之所存爲詳銘曰

修之家其德乃真盟之獨其行乃惇嗚呼如公
是宜慶流行溢而俾子孫振振

宗忠簡公文集卷之三終

宗忠簡公文集卷之四

明進賢熊人霖伯甘詮訂

書

求教書

出入莊騷

某未冠時持先人遺書一車他無所攜悲吟梗槩
愾然去國求師承于四方閱十餘年矣崇筵絳帳
所歷數十取道一無所得莫悟其繇因悵然以歸
一日拏舟越重湖將泛巨浪以放心志之鬱紆也

並堤而行延綠葦間。皆漁聚落。得漁老焉。邀過其處。蔽漏蕭然。掃地以坐。因詢之曰。瀕湖而漁。何憊之甚。豈術之謬乎。曰。不然。余所學任公子釣也。任公子之釣。爲大釣。巨緇五十犢。以爲餌。期年而得魚。可以厭澗河蒼梧之民也。若夫有是具而得是魚。則利固可以終身。豈不泰乎。今有若魚矣。而乏其具。是以病焉。某始聞而驚曰。求師而取道。亦猶是也。學未備而欲聞至教。固亦難矣。盍盍之名都。

盍舊作蓋

大邑通儒之聚。凡古人所著之書。與今日之學者。耳目所未及。一皆貫穿熟讀。要其無所不知。無所不有。一展底蘊。以求至教。則於取道。其亦庶乎。旣歸且治之。有智叟過門而歌曰。辰乎辰乎。盍來之遲而去之迅乎。已乎已乎。筋力憊而死期至乎。其再聞之而疑曰。諒矣。魚人之弗慧也。吾又祖其困而取斃耶。大魚不易得。至教不易求。吾其與求魚。金志可弔之。使改圖乎。因訪前日之處。首至其鄰。

迅舊作速
誤

宗忠簡集
焉。因告以學漁之難。繼訊之曰。子之漁。何求之易。而利之多耶。鄰漁曰。予所學。詹何氏之釣也。不若是之費也。詹何氏之釣。以獨繭絲爲綸。芒針爲鈎。荆條爲竿。剖粒爲餌。於百仞之淵。汨流之中。引盈車之魚。綸不絕。鈎不伸。竿不撓。爲術無他。獨臨河而用心專。故能以輕致重也。某終乃拊髀而增嘆。且至是乎。必求大具。以要大魚者。皆見笑於詹何氏者也。亟走以歸。屏前日之俗勞。一其慮。養其氣。

盡精白。而無巧僞。所幾亦有取道之質矣。今則行之。彌年果獲造先生之門焉。恭惟先生道學淵微。智識高妙。登天庭而拾科第。揚仕路而展材畧。皆其緒餘耳。然則所至則士皆歸嚮。所言則世必傳載。凡游門下者。其於求教而取道。無不厭其所欲。某前時過江來。鄉曲知識。皆寄聲相賀曰。知子用鄰漁術。攜荆條針鈎。往遊龍伯宮矣。盍勉之。干昌師嚴。

筆致如俊
鵝摩霄不
似宋文靡
靡乃知仁
者有勇德
者有言

上鄭龍圖求船書

嘗觀昔有逸客爲江湖隱者。意欲浮家泛宅。便可
一生而吳興太守。敕舟往助之。昔有墨客爲山水
遊者。會以暴漲。輒數日不粒。而來陽縣令。具舟往
迎之。夫爲江湖隱。是殆徜徉彷徨於塵埃之外。爲
山水遊。是殆茹高激清於耳目之表。非有不得已
之事。羈酸憔悴之色。彼太守縣令者。何爲乃旦旦
然待之。覷覷然驚之。賓賓然恤之。借使有冰氏之

子俯仰空谷。鶉衣之士。蕭寂窮途。寄五斗米。而淵
明之歸去來。有不可賦。無二頃田。而衛人之胡不
歸。有不可得。全家百指。如飄蓬斷梗。一在天之涯。
一在地之角。其當時太守縣令。脫或見此。豈不伐
南山之木而濟之哉。某諱窮久矣。家徒四壁立矣。
平生不喜爲吏。寒窘犯人。挈挈然迫之。使出宦遊。
東方聚室待餉。獨祖母老矣。重棄故鄉。而客遠官。
遂留不行。乃者家君得募金陵。去鄉邦跬步。白髮

之老亦既願往。低回商畧。勢不可久於此。昔携家中半而遊東方。今又携家之半而歸江南矣。然自寧取道得車。則至胸山。帆則至江左。躊躇四顧。疾聲而問曰。誰哀王孫乎。誰借以一葦而使涉大川乎。恭惟閣下英風。健譽傳在衆口。德宇廣濶。人有比賴。某也。名不譽於賓客之席。肩不摩於夫子之墻。乃欲囊攜長書筆話。羈態如轍中鮒。犬呼乞憐。豈獨他人笑之。某亦自笑之矣。且謂孤窮無挾之

語。惟某可言。廓落推挽之心。惟閣下可望。矧龍圖近班。非若吳興來陽之卑且賤。而某今日懇款。亦豈為江湖隱。為山水遊。特得已而不已者哉。倘蒙垂德肯聽。則飛帆鼓楫。泝大江而下。其朝浮暮泛者。皆恩波也。

見王提刑書

天寒日暮。雪霜併至。蕭條冀北之野。犬爭食而鳥啄瘡者。乃其所也。孫陽過焉。昂頭掉尾。強起而一

原本昌黎
性情則近
匪也膚肖

雋句入魏
峯

夙夜明明
足覘集義

鳴人孰不笑之。噫是馬也。瀕困等死耳。亦知激其
感遇。夫何傷乎。孫陽忽察焉。見其所不見。而不見
其所見。秣芻以飼之。封藥以裹之。異棧而羣毛辟
易受羈。而道路改觀。春風入蹄。頓掣千里。自古詩
人畫史。與會稗小說。一皆異口而贊美。茲事是以
孫陽爲善相馬。而精覓比於列星。信不誣也。某深
感於此。故復披其事而進焉。重念其一登仕路。備
驅策者二十餘年。蓋亦涉長途。縈險道。未嘗敢一

跌以負主人之責者。况竊銜轡爲哉。今則旣仕而
老將至矣。以日計之。方將弄影於無入之道。而猶
坐曹以竊祿也。嗟夫。士不遇知己。老死填溝壑者。
往往尚有。顧某何足數。而欲覘閣下之知我。而憐
我。雖然。冀北之鳴。聊爲孫陽。而一發恭惟閣下英
姿偉望。簡在朝右。固宜羽儀帝側。而鳴玉禁途。迺
者。暫輟華班。出司邦憲。擁麾澄按。經歷列城。正孫
陽過門時矣。倘僕僕道旁。袖書自列。不知者皆胡

盧而笑。知我者猶謂其激於感遇也。不識可賜調御一經九折之坂否。剖心誓天。言不悉意。

上李丞相書 韓綱

某衰老無所能解。但聞賊虜驕蹇。尚有橫肆之意。欲言之慮涉自媒。欲不言之又恐緩不及事。且武誤國。然自媒之罪小。萬一於國有誤。則罪死無濟。比蒙恩差某知青州兼京東路制置使。仰荷朝廷眷注。所以為一身計。則甚安便矣。方今二聖蒙塵。

寒寒匪躬 至此讀一字下一拜 益嘆顧慮 身名忘其 國恤者欺 人自欺可 恨可憎

天子駐蹕在外。京城嗷嗷。願望翠華回輦。四海生靈猶有未復業安堵。如我祖宗時者。顧一身偷自安便。如憂思過當。不能自為一身安便。何恭惟僕射相公。以道應世。不忘天下。休休有容。恢恢無間。欲再造王室。欲中興大宋。基業想勞心。經濟上副仰成。凡所設施。必以天下在起居飲食間也。前過京師。有河東數百姓來日。訴乞收復河東州縣。有數太學生。并太學正王擇仁來相見。言收河東事。

刻刻不忘 若國方是 盡臣道

於今月二十九日有王擇仁附書并謄目來與某顧某雖不以一身自營為計而無路可為相公有志天下願輔佐天子繼承焦勞再造中興我太宗奕世一統實緒毋蹈東晉既覆之轍毋安積薪未燃之火某不勝痛憤激切之至所有王擇仁劄子謹此繳納

與北道總管趙野約入援京城書

靖康二年二月

某惶恐再拜上覆北道總管資政閣下春和恭惟

好音之懷
令人心惻

鈞候動止萬福竊惟京城圍閉日久君父注望四方勤王之師入援想不啻饑渴資政為北道大總管乃將大兵自衛迂回曲折走南京駐劄蔽遮江淮之人俾不能進前固護王室則朝廷何賴於屏翰伏望早賜指揮進發本京二三程劄寨示賊虜以天下人心歸嚮軍民怨切願瞻天表之意庶幾虜人畏恐下城引去以示忠節無為身謀不勝拳拳憤悱激切之至

與河北河東宣撫范納約入援京城書

某惶恐再拜上覆河北河東宣撫太傅春和恭惟
鈞候動止萬福太傅是朝廷重望大臣凡所舉措
爲天下重輕爲四方軌則今以河北河東宣撫之
名乃擁兵自衛迂回退縮劄駐南京是耶非耶不
知太傅晝思夜度謂臣子大義果如此耶若以周
旋無非合於義理伏乞指揮開放道路濟以糧斛
令江淮以南州軍皆得自進勤王去京城二三程

劄寨示賊虜以天下歸向激切之意庶虜懲戒無
有後艱毋爲全身之計不勝幸甚

與知興仁府曾楸約入援京城書

某頓首再拜上覆知府待制春濃恭惟台候動止
萬福近汪元帥錄云藥方云是左右所撰某竊疑
之且有人至親偶感是疾其爲子者豈可安然坐
視漫不省察使邪毒之氣漫淫侵蝕耶亦豈可輕
聽人言遂一切屏去表發洗滌之劑以助養真元

可痛可泣

使三百六十骨節之間更無外邪之證。俾其親享無窮之壽。而其子自保仁且孝之名乎。今賊虜猖獗。侵犯畿甸。待制使之爲醫者誰歟。醫之用藥。能表發其外。洗滌其內者誰歟。旣未有爲醫與藥者。乃揮諸兄弟。令望望然去之。曰是時氣也。姑當任之。不可召醫。不可用藥。是亦不仁不孝也已。某衰老無能。過膺重責。夙夜震恐。不敢寧處。伏望待制。焘悉早賜指揮。所統諸將。起發前進。令去京二三

程劄寨示賊虜以天下軍民至誠懇切。奮不顧身。願入覲天表之意。毋爲一向顧惜。諸人私意。俾賊虜恣肆。全無忌憚也。

宗忠簡公文集卷之四終

宗忠簡公文集卷之五

明進賢熊人霖伯甘詮訂

賦

撫松堂賦遺王居士

嵩少之麓萬松鬱然偃高蓋以鳴風盤深柢而切
天。却揮斤於睥睨欵化石而頑堅。帳莫致之華我
林泉發聘士之幽尋。課哇丁而小遷。培拱把而氣
藏。運桔槔而智圓。寓脩身於種藝。戒除惡於蔓延。

忠簡自道也

期百尺於歲寒扶大厦於將顛脊焉撫之倚筇於膏蒼翳其成森若巖谷且漑且壅濯我喬木或攢膏而爲酒或飛烟而取墨或採脂以儲藥或祈明而代燭或盤縷以爲扇筵或折枝以當塵玉倘聘士之見須効尺長於必錄我觀此物礙落節目擅巨棟於廟堂備行艫於海濱用扶危而利涉肯收功於芒粟肖象伊何萃於一庭蒼官侍坐青衣侑尊鼓琴瑟於晚吹晃屏幄於朝暎聘士顧之內娛

外忻陋軒駟之飛馳避門箔之炎薰我觀此物受命不羣稟直氣以自如信孤標之獨尊聳若高才儼如正人思仰止而企及罷童語之紛紜苟好尚之不移質是非於老生姑置勿談羽服綸巾時矯首以怡顏毋折腰而役形處身世於無心看出岫之飛雲以聘士爲後來之淵明也

古楠賦有序

巴城之南山有寺曰南龕寺之外有大木曰楠

其生甚久。唐刺史嚴武御史史俊皆有詩。訶刻于崑腹。嚴曰：臨溪插石盤老根。史曰：結根幽壑不知歲。自時迄今又數百年。邦人謂之古楠。宜矣。僕到官之三月。兩至岩下。讀史嚴之清什。感是楠之老於岩谷而可憐也。因慨然操筆而賦之曰。

楠之生兮層崖之中巔。詢之人兮不知幾何年。包堅根而下蟠兮貫頑石而澈沈淵。竦修榦以上凌

兮。金孤岑而叅倉天。大枝崛起兮虎豹拏攫小枝。回屈兮蛟螭蜿蜒。黃葉敷陰白晝沈沈。輪廣十畝。蓋穹百尋。衆鳥托宿。鄧林非深。諸卉仰芘。荆雲非陰。兩濯瑩兮一塵不染。風振響兮海潮同音。露下兮鶴唳月明。今猿吟擅此清致。亘古迄今。有客戾止。惻然動中。吁嗟斯木之異兮。有不遇之窮。爾胡不生於泰山之側。秦帝東封會風雨之是避。豈以五大夫之號而封松。爾胡不生於周成之宮。禁林

九重顧親賢之。是戲豈以封國之瑞而剪桐爾。胡不生於分陝之域。舍彼召公未必以甘棠之蔽芾。流詠於國風。抑亦豈無工師之良識。爾材之非常。用之爲棟梁。則足以寔九重之明堂。用之爲舟楫。則足以濟巨川之汪洋。用爲宗廟社稷之器。則足以參鼎鼎交神明。薦至德之馨香。夫何默默而甘老於窮山寂寞之鄉。徘徊其下。恍若夢兮。心駭而目眙。蒼髯偉人。瞑目視曰。噫。謂子知我乃不吾知。

吾生於斯。長於斯。始于毫末。至于十圍。雨露不吾遺。霜雪不吾欺。春兮秋兮。吾不知代謝之有期。漢兮唐兮。吾不知興亡之幾時。柯葉顏色。曾無改移。過者千百。睥睨焉。不以吾爲樸樾輩待之。斧斤之害。亦幸不罹。吾受天地造化之恩。孰有等夷。子之不智。而乃我悲。使子處此。復將奚爲。吾非不知。強自取藏器。以待時而動。老當益壯。自任以天下之重。倘匠人斷而小之。能不浼然而悔痛。乃所願比。

不材之樗，同乎無所用。若曰不遇，自有物主之非。吾所能爲，姑亦付之一夢。客聞之，釋然悟曰：達矣。夫斯言可書紳而永誦。

詩

五言古

東上辭松楸一首

八年坐親黨，泯伏長安城。甘心傍松楸，申我兒子情。閉戶慨岩廊，讀書笑金籬。力田固爲政，課童乃

忠孝乃以全也

司兵深病骨相寒，不蒙軒冕榮。維天臨萬邦，搜羅世豪英。我友挽出之，大人今繼明。古無忠孝全，泣涕太丘塋。爲翁大門閭，翻然以東征。

感時有序

戎虜長驅京邑，阡危此忠臣。義士痛心疾首，勤王報國之秋也。而宰臣遷家，郡守踰垣，縉紳士大夫陸竄水奔，使人主嬰孤城，以自守，無一犯難者。事小定矣，而上書獻策之人，亦未有慨然

一字一淚
一淚一血

宗忠簡集
五
以東者世道之衰一至此乎太息之餘以詩自道

卿士辱多壘。天王憤蒙塵。禦戎要虢將。謀國須雋臣。百戰取封侯。未必亡其身。懷奸廢忠義。胡顏以爲人。吁嗟世道衰。大僂加縉紳。平居事奔競。梁汴分雲屯。一旦國步艱。四迸如星繁。輔相已擇棲。守令仍踰藩。冠蓋陸西窺。舳艫水南奔。鄙夫用慨然。策馬趨修門。勤王羞尺柄。悟主期片言。時來尙雲

龍峩冠拜臨。軒逶迤上玉除。造膝伸元元。措世於泰寧。歸來守丘樊。

謁華嶽一首

楊賜嶽所挺。嚴武金天晶。二子爲時出。顧我非炳靈。維嶽鎮四方。氣秀天骨青。截薛立千仞。力能產公卿。降神詠崧高。識諱仍反經。取象到執珪。謫怪如洞冥。平生笑窮奇。立語心自驚。我質培塿耳。曾山固崢嶸。誰言華嶽高。我山摩玉京。是中所包藏。

塚句近杜陵
呂才論華山狀如執珪多產貴人
立語心自驚可見忠

一血一珠

巨義士不
特立德立
功

丹碧參瑰瓊。平居蜚雲雷。飛雨溢四溟。此豈真有
之。落筆紛縱橫。發我文物秘。象渠膏澤傾。太華屹
不搖。我山身載行。

五言律

雨晴渡關二首

燕北靜胡塵。河南濯我兵。風雲朝會合。天地晝清
明。泣涕收橫潰。隼枯賴發生。不辭關路遠。辛苦向
都城。

其二

蕩滌真成快。氛霾不敢陰。萬花恩澤了。二麥寵光
深。地勢瞻仙掌。河源識帝心。馬頭迎霽色。詩句日
邊尋。

過潼關

一雨峭函底。風沙放我過。嶽神猶假借。官吏莫誰
何。塹斷思航渡。城堅戒石摩。一夫工墨守。寧恡萬
夫多。

寵光字面
本唐人恩
澤了了字
入宗

壯氣令人
辟易

道逢鄉人笑僕騶馬之瘦

生笑長裾曳仍羞下澤奔據鞍非馬援叱馭豈王

尊汗血能觀國的顛終感恩莫欺騶馬瘦揮策詣

金門

五言絕

盤豆舖南李翁園

李翁卧亭午春深掩柴荆忽然風雨響疑是勤王

兵

忠義團結
聽于無聲

六言

題趙園

瑤瑛夾侍梅臺琴瑟自鳴松島山中野服相傘足

以亡憂遣老鑿池智有泉源種木胸無芥蒂螭頭

吐水涓涓端是銀潢一派

七言古

道逢散遣之卒云講和退師無所用之矣輒

以二十六句道胸臆

自小留心
世道

忠簡真將
種也與徒
讀父書者
天淵

濃墨榜皆
淡墨榜中
人代言者
可嘆可嘆

感慨至此

更覺溫厚
和平足徵
養氣

翁擁麾幢我為兒。剽聞竊睹皆兵機。其中襲擊不
容瞬。颺行電掣猶逶迤。戎人長驅越大河。天下震
驚觀闕危肉食之謀殊未臧。我憤切骨其誰知。慨
然奏疏金馬門。力陳盟賂損國威。嚴尤下策尤可
笑。晁錯上書亦奚為。道路荆棘初剪除。花如步障
吾東之。八年閉戶尺蠖屈。一旦渡關匹馬馳。行行
側身聽戎捷。忽聞募士詔遣歸。濃書大墨榜教詔
曰。敵悔過今退師。羽檄向來召貔虎。乃詠出車誥。

杖杜橐兵銷刃。兵猶怒却把鋤犁。農鼓舞君王神
武。今藝祖爾賊不歸汗我斧。兵猶怒詩却怨而

不怒忠簡真有至性。真有定養

七言絕句

曉渡

小雨疎風轉薄寒。駝裘貂帽過秦關。道逢一澗兵
徒涉。赤脛相扶獨厚顏。蓋嘆逃兵也。獨字恐兵

不服當時宰執主南渡者巧言如簧

清教

華陰道中

煙。遮。晃。白。初。疑。雪。日。映。爛。斑。却。是。花。馬。渡。急。流。行。
小。崦。柳。絲。如。織。映。人。家。

其二

菅。茅。作。屋。細。家。居。雲。確。風。帘。路。不。紆。坡。側。杏。花。溪。
畔。柳。分。明。摩。詰。輞。川。圖。

其三

寧。王。畫。作。金。盆。鴿。韓。愈。詩。誇。玉。井。蓮。瓦。缶。泥。泓。村。

落。小。亂。茅。羣。雀。不。堪。傳。

至洛

都。人。士。女。各。紛。華。列。肆。飛。樓。事。事。嘉。政。恐。皇。都。無。
此。致。萬。家。流。水。一。城。花。

華下

千。岩。層。出。亂。雲。飛。失。我。平。生。洞。府。期。夜。據。征。鞍。不。
交。曉。舉。頭。彈。指。睡。希。夷。

馬上口占

忠盡溫厚
何減彼都
人之章

上逼唐音

朝氣所鼓
正是夜氣
所存

龍與虎視。詫周秦王。氣東游。作卞京。陰祝巨靈移。此險大河為塹。嶽為城。

蚤發

繖幄垂垂。馬踏沙水。長山遠路。多花眼中。形勢曾中。策緩步。徐行靜不譁。清不譁。儼是有聞無聲。氣象

宗忠簡公文集卷之五終

宗忠簡公文集卷之六

明進賢熊人霖伯甘詮訂

雜著

寧國長老語錄序

趙州栢子。果是分明。靈雲弄花。更無疑惑。一宿不為迅速。九年未是遲延。萬法只是一門。千口豈有兩舌。寧國堂頭。宗乘東道。覺路南車。儒釋兼通。死生了達。包藏無礙。常發大慈悲心。度接有緣。默傳

正。汝。眼。藏。如。某。越。昧。願。師。提。撕。濟。我。無。底。舟。航。還。
我。未。生。面。目。深。悟。筌。蹄。之。要。證。此。上。機。始。有。土。苴。
之。餘。寓。諸。方。冊。

闍鄉麻衣寺瘦佛畫像贊

壁。上。瘦。者。乃。人。天。師。非。病。維。摩。亦。非。辟。支。學。道。雪。
山。踟。躕。忍。饑。中。包。太。虛。外。示。清。羸。方。其。瘦。也。一。麻。
一。麥。鬢。髮。如。蓬。曉。巖。面。骨。及。其。肥。也。丈。六。金。身。相。
三。十。二。為。佛。世。尊。非。我。癯。儒。亦。非。飛。仙。願。此。法。身。

充滿大千是故合堂作此偈言

題均師休牧軒頌

超悟了了
竿頭百尺

青。居。曾。露。一。絲。頭。謾。示。人。能。解。牧。牛。究。竟。本。來。無。
一。物。未。知。能。使。阿。誰。休。

一。乘。休。去。已。忘。機。恰。似。當。初。未。牧。時。雲。起。雲。消。本。
無。迹。有。為。全。體。是。無。為。
空。餘。短。笠。與。輕。箬。道。着。休。時。事。早。多。更。向。中。間。問。
消。息。夜。深。無。奈。月。明。何。

圓通

告金天廟文

浪金賊如
是一言不
肯假借

維嶽雄峻維神司之雲雷翕張神固專之作帝金
天號位高明云胡戎醜竊我盛名夫金者莫方則
為西制器則為兵論幣則為上鐘人則為英厥號
耿允可享維神彼虜無知擅于厥身匪國之殃繫
神之讎神弗殄誅為神之羞大發陰兵百萬其師
怒目張牙龍甲豹皮曠弩橫刀鐵騎沓馳助我罷
熊戮彼鯨鯢神以獨尊祀以不隳借神威靈一掃

無遺

請寧國再開堂疏

伏以山上浮雲本無心於去就海中潮水豈有意
於往來無非時節因緣要識卷舒任用寧國堂頭
自家衣鉢非徒庾嶺傳來心地泉源便是曹溪流
出吞盡三世諸佛跳出四面八方七縱七擒縱橫
妙用三仕三已喜慍不生何妨舊店重開可謂前
燈復續珠還合浦鶴返故巢正當恁麼時請說這

縱擒仕已
出世世間
如是如是

箇法

請海長老住蘇溪崇德疏

伏以萬法本空一性圓寂。撚花驚嶺。曾虧一笑之
暇。面壁少林。猶病多言之失。必也忘真俗之二諦。
泯色空之兩途。自非圓頓之流。曷致機筌之用。某
人長老洞明宗旨。深達祖風。始出世於治平。實印
可於汾湧。退藏密旨。栖心彌勒之道場。重振宗乘。
示跡汾輪之古刹。人天共集。凡聖瞻依。會須振領。

讀戰作家
具正法眼
藏非忠簡
倚是當之

提綱十方坐斷。若也超佛越祖。一線不容。除是慣
戰作家。能具正法眼。藏既登寶座。願振潮音。俯徇
眾情。無煩退托。

請舉老住滁州寶林

靈山正法眼。本從微笑傳來。金粟不二門。亦向無
言悟入。必將說難說之法。相與叅未叅之禪。灼然
開口。便差須是當仁。始得某人導雲門之一派。住
龜鷺之三春。祖風夙振於淮壩。道價浸高於海內。

屬寶林之虛席。合衆刹以謀師。旣蒙赴感於隨緣。何異逢塲而作戲。前日瑯琊席上已示老婆心。只今襄水岸頭。佇聞獅子吼。

爲華州作延請畫老疏

義標第一。建特地之伽藍。語揭前三。屹衝天之宰堵。雖伏神龍之暗護。亦資象數之冥搜。不有當仁。豈容作禮。某人性融圓覺。迹契因緣。定裡允明入。惠持之境界。句中汰令。得智老之門庭。願解禪包。

來提祖印。奮拳擲臂。宜借掌於巨靈。舉拂拈鎚。試拔蓮於玉井。不憂末劫。端是本心。

千手眼大悲偈

千手一手用。千眼一眼觀。用觀無差殊。何必許多般。

覽鏡偈

覽鏡影還在。掩鏡影還去。試問鏡中人。却歸什麼處。

盧行者偈

休問東西南北莫說之乎者也直饒神秀文章不似老盧行者

佛說偈

後學要說禪教人學團謎佛祖意分明但為傳衣

諸忠簡集
令人忠義
憤發故知
此偈是傳
衣偈

宗忠簡公文集卷之六終



